

BESTELAKO XEDAPENAK

TURISMO, MERKATARITZA ETA KONTSUMO SAILA

5630

EBAZPENA, 2016ko abenduaren 22koa, Merkataritza eta Turismoko sailburuordearena, zeinen bidez, Bilboko udalerrian turismo ugariko eremuak izendatu baitira, merkataritza-ordutegien ondorioetarako.

Lehenengoa.– Merkataritza-ordutegiei buruzko abenduaren 21eko 1/2004 Legeak 5. artikuluko («Ordutegi araudi berezia duten establezimenduak») 1. zenbakian xedatzen duenez, Espainiako lurralde osoan askatasun osoa izango dute zabalik egongo diren orduak eta egunak erabakitzeko, gehienbat, gozotegi eta okindegiek, plater prestatu, prentsa, erregai eta karburanteen saltokiek, loradendek eta komenientziakoak deiturikoen, baita mugetan, geltokietan, lurreko, itsasoko eta aireko garraio bideetan eta turismo ugariko eremuetan daudenek ere.

Artikulu horren beraren 4. zenbakiak, berriz, honako hau zehazten du; aurreko paragrafoan ezarrita dagoena betetzeko, autonomia erkidegoek, dagozkien udalek proposatuta, euren lurralde-eremuan turismo ugariko guneak zeintzuk diren zehaztuko dute. Turismo ugariko eremutat hartuko dira honako inguruabar hauetakoren bat duten eremuak (izan udalerrri osoa, izan haren zati bat):

a) Nahikoa kontzentrazio izatea, kuantitatiboki edo kualitatiboki, ostatu eta establezimendu turistikoek dagokienez edo bigarren etxebizitzaren kopuruari dagokionez (ohiko etxebizitzaren kopuruarekiko).

b) Izadiaren ondare deklaratu izatea edo ondare historiko artistikoan sartuta dagoen eta interes kulturala duen ondasun higiezin bat edukitzea.

c) Muga ondoko zonetako eragin-eremuak mugatzea edo eratzea.

d) Nazio edo nazioarteko mailako kirol- edo kultura-ekitaldi handiak egitea.

e) Itsas-bidaia turistikoekin lan egiten duten eta bisitari-kopuru nabarmena daukaten portu-eremuetatik gertu egotea.

f) Batik bat erosketatuturismoagatik erakargarri diren eremuak izatea.

g) Turismo ugariko eremu izatea justifikatzen duten inguruabar bereziak daudenean.

Eta 5. zenbakian honako hau ezartzen da:

«Nolanahi ere, 100.000 biztanletik gorako udalerrietan, baldin eta aurreko urtean 600.000 ostatu-gau baino gehiago erregistratu badituzte, edo aurreko urtean 400.000 bidaiari baino gehiago izan dituzten itsas-bidaia turistikoekin lan egiten duten portuak badituzte, eremu bat, behintzat, turismo handiko eremutat joko da, aurreko paragrafoan aurreikusitako irizpideak aplikatuz. Datu estatistiko horiek lortzeko, Estatistikako Institutu Nazionalaren eta Estatuko Portuen Erakundearen argitalpenak erabiliko dira.

Datu horiek argitaratu eta sei hilabeteko epean autonomia erkidego eskudunek ez badute udalerrri horietako eremuren bat turismo handiko eremutat jo, udalerrri osoa halakotzat joa izan dela ulertuko da, eta merkatariek askatasun osoa izango dute euren establezimenduak urte osoan zehar irekitzeko.»

2016ko abenduaren 30a, ostirala

Bigarrena.– Abenduaren 21ean, Bilboko Udalak Abando-Indautxu-Garellano, Deusto eta Zazpikaleak turismo handiko eremutzat jotzeko proposamena aurkeztu du, 2015erako eta 2016rako egindako deklarazioen baldintza berberetan, eta Merkataritza-ordutegiei buruzko abenduaren 21eko 1/2004 Legearen 5. artikuluko 4. eta 5. zenbakietan ezarrita dagoenaren arabera.

Laugarrena.– Bosgarrena.– Merkataritza eta Turismoko sailburuordeak, Euskal Autonomia Erkidegoaren Administrazioako sailak sortu, ezabatu eta aldatzen dituen eta horien egitekoak eta jardun-arloak finkatzen dituen Lehendakariaren azaroaren 26ko 24/2016 Dekretuaren 13. artikulua bidez esleitutako eskumenak betez,

EBAZTEN DUT:

Lehenengoa.– Bilbo udalerriko honako eremu hauek turismo ugariko eremutzat jotzea: Abando-Indautxu-Garellano, Deusto eta Zazpikaleak.

Bigarrena.– Adierazpen hau indarrean egongo da 2017, 2018 eta 2019ko uztailaren 1etik abuztuaren 31ra bitartean.

AZKEN XEDAPENETATIK LEHENENGOA

Deialdia egiteko ebazpen honek Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondorioak.

AZKEN XEDAPENETATIK BIGARRENA

Ebazpen honen aurka, gora jotzeko errekurtsua aurkeztu ahalko zaio Eusko Jaurlaritzako Turismo, Merkataritza eta Kontsumoko sailburuari. Horretarako, hilabeteko epea izango da, ebazpen hau Euskal Herriko Agintaritzaren Aldizkarian argitaratu eta biharamunetik hasita.

Vitoria-Gasteiz, 2016ko abenduaren 22a.

Merkataritza eta Kontsumoko sailburuordea,
ISABEL MUELA LÓPEZ.